

明紅絲
欄鈔本

百

家

詞



養拙堂詞目錄

念奴嬌 四

水龍吟 二

水調歌頭 七

滿江紅 三

洞仙歌 二

驀山溪 二

蝶戀花

定風波

鷓鴣天 五

朝中措 四

柳稍青 二

好事近 四

桃源憶故人 二

菩薩蠻

浣溪沙 四

醉落魄 四

生查子

虞美人 二

臨江仙

清平樂

點降唇 二

酒泉子 二

西江月

鵲橋仙 二

步蟾宮

青玉案

阮郎歸

木蘭花

南鄉子

玉連環

養拙堂詞目錄

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

王東原

養拙堂詞

管鑑明仲

念奴嬌

癸巳重九同陳漢卿張叔信王任道登金石臺作

登高作賦嘆老來筆力都非年少古觀重遊秋色裏
冷怯西風吹帽千里江山一時人物迥出塵埃表危
欄同凭皎然玉樹相照惆悵紫菊紅萸年年簪髮
應笑人空老北闕西江君賜遠難得一枝來到莫話
升沉且秉閑暇羸得清樽倒飲酣歸暮浩歌聲振林
杪

又

夷陵九日憶去歲金石之遊用舊韻寄漢卿叔信蓋嘗歸欲任道家故有徐娘及悲懽之句

楚山萬疊悵高情不比當年嵩少官况全如秋淡薄
枉却塵侵烏帽菊藥猶青茱萸未紫節意憑誰表故
園何處暮雲低盡殘照追念往昔佳辰尊前絕唱
未覺徐娘老聚散悲懽回首異今歲古臺誰到藉甚

聲名難忘風味何日重傾倒交情好在雁書頻寄雲

杪

又

丙申十二月六日賞梅聞岑守得祠下政將赴代歸有日喜見于辭

寒梢冰破問何人遠寄江南春色似是天憐爲客久
報我春歸消息茅舍陳籬故園開處兩歲關山隔天
涯重見向人風味如昔誰念月底風前當時青髮

漸與花顏白不恨一番花陰早恨把年華虛擲嚼藥
含香攀條覓句拚醉禁愁得酒醒還是夢魂數遍歸

驛

又

移節嶺表宋子淵置酒後堂餞別出詞付三姬歌以侑觴席間和

兩鬟嬌小向尊前未省修蛾攢碧唱得主人吳妙句
氣壓三江七澤病怯遐征老添離抱我自愁堆積故
園歸夢等閑吹墮南國况是耐久交情徑年方幸
接從容辭色告别匆匆聊共醉惜此分陰如璧錦瑟

華堂明朝回望暮靄迷空隙相思何處風林月掛纖
魄

水龍吟

携家將井泉寺歌坡仙小舟橫截春江之詞用韻
壯觀通幽吸江皆亭名

小舟橫截西江曉來風靜無塵起霜餘日暖東君見
效梅梢春醉壯觀亭高通幽徑遠吸江臨水任全拋
簿領携家訪古清泉畔疎陰裏楚蜀江山分處望
神京三千餘里才高命偶功名休羨紛紛餘子強健
身心團樂尊酒此遊須記便他年富貴園林鍾鼓只
如今是

又夷陵雪中作

曉來密雪如篩望中瑩徹還如洗梅花過了東風未
放蒲城桃李碎剪瓊英高林低樹巧裝勻綴更江山

秀發田疇清潤滿眼是豐年意誰念危樓獨倚共
飄零茫茫天外毫端句溢盃中酒減懽情難寄天爲
淒涼暫時遮盡荒芳白苳但神州目斷珠宮玉闕渺
三千里

水調歌頭

同張子儀諸公泛舟北渚席間用子儀韻

平生五湖興夢想白蘋洲只今何處捲簾波影樣風
鈎况值晚天新霽菱葉荷花如拭香翠擁行舟却爲
湖山好牽思遶皇州柳邊堤竹裏閣舊曾遊恍然
重到不知身世此淹留且對碧梧脩竹頷略好風涼
月大白與重浮欲和凌雲賦佳思苦難酬

又

後十日子儀相招遊倉司後圃艤舟堤岸醉中再賦

涼意在何許高柳蔭江洲移船藕花深處待得月如

鈞一抹晚山殘照十頃醉紅香綠百拖列瓊舟浩歌
激莽豪氣溢神州泛芙蓉依綠水並英遊明年
此會可憐獨是賈湖陂賴有瀛洲仙子能應嘗為國子錄少
駐雲霄高步相與慰湛浮富貴儻來尔有酒且相酬

又用子儀常之登丹青閣用常之韻

秋色浩無際風露洗晴空登臨江山勝處樓倚最高
峯好是夕陽低後四野暮雲齊歛遮盡遠山重城郭
參差裏烟樹有無中坐間客才論斗氣如虹揮毫
萬字舉雙白眼送飛鴻莫問梅仙丹竈休覓山靈蕙
帳追憶採芝翁便草凌雲賦歸奏大明宮

又

龍守宥商卿三十故交也經遍為留五日臨行一詞為別次韻以謝

一雨洗煩溽天氣爽如秋江山佳處眼明重見舊交

將去國三千餘里俯視朝宗一水共笑此生浮幸我
扁舟具歸欲問菟裘嘆君才方進用豈容休鑾坡
鳳治情知不為蜀人留便恐升沉各異後日相逢無
處別語易成愁記取平安使時訪荻花洲

又大雪登望京樓

南雪不到地今雪瑞非常堆簷平砌晚來風定轉飛
揚浩蕩乾坤無際洗盡蠻烟瘴霧和氣變遐荒蒲眼
豐年意民共樂時康倚瓊樓臨玉樹舉瑤觴高吟
低唱從他減盡少年狂且趣明年春好整項雨犁風
箬歸去老農桑喚起江南夢先到水雲鄉

又夷陵九日

舉俗愛重九秋至不須悲登臨昔賢勝地空愧主人

誰滾滾長江不盡疊疊青山無數千載揖高姿況有
賢賓客同醉此佳時 坐間菊青作袂玉爲肌香英
泛酒風流絕勝酌醪醑莫話龍山高會只作東籬幽
相應有故人思北望江南路回首暮雲披

又

舉俗愛重九我輩更鍾情良辰好景賞心樂事古難
并正是朝廷閑暇四序均調玉燭一路慶豐登況值
循良守酒與政俱成 倚危亭持玉竿泛金英風高
日淡一天秋色共澄清指點雲間岳鎮壽與兩宮齊
久天地永成平歲歲同民樂持此報君恩

蒲江紅

北岩寺餞別張子儀醉歸口占

百罰深盃都不記歸來時節
髮髯聽重城更鼓催成

離缺江上愁心山歛翠津頭夜色沙如雪漸中年懷
抱更深交難爲別歌聲緩行雲歇尊酒散香塵滅
想來宵何處亂山明月得意春風群玉府第名早晚
黃金關但相思莫遣鴈來時音書絕

又寄壽宋子淵宋生朝先余一日

去歲茲辰記稱壽曾陪燕席明朝更屈公扶醉相過
爲客間世生賢元自異偶然先後懽連日悵如今五
嶺望三相雲霄隔松鶴筭珪璋德廊廟器神仙格
想尊前仍唱雪中晴色

去歲嘗有詞云要知他日調元手看取今朝
雪裏松

公上清都調鼎鼎我歸舊隱尋泉石願年年東閣燕
嘉賓常相憶

又清明前三日登清暉作

十日狂風都斷送杏花紅去却是有海棠枝上一分
春住桃葉桃根渾未覺櫻桃楊柳成輕負強尊前抖
擻舊精神誰能許時不再懽難屢心未老盃頻舉
尚不妨領畧登臨佳處山接武陵餘勝氣江吞大別
仍來注嘆聖賢功業與江山无今古

洞仙歌

訪鄭德與郎中留飲

悠然堂上山色渾如画堂下梅花未多謝向小亭留
客處晴雪初飛香四面不比茅簷低亞綠窓簾晝
捲吹到眉心點綴新妝稱閑雅緩歌喉餘舞態雲遏
風迴須信道欲買青春无價任匆匆歸去酒醒時鎮
夢繞瓊梢月寒清夜

又夜宴梁季全火卿賞牡丹作

化工妙手慣與花爲主
忍便摧殘任風雨
剪姚黃移魏紫
齊集梁園春艷艷
何必尊前解語
綉幃深照影
簾密收香夜久寒生
費調護寶杯翻銀燭
爛客醉忘歸
共惜此芳菲
難遇看明年
紫禁繞鶯花
謾想望春風土雲深處

驀山溪

錢沈公雅移漕江東

潛藩報政玉座勳
深眷假節上青霄
正霜風輕寒剪
剪天香懷袖疑燕
得從客占喜色送
新聲瀲灩金荷滿
趣裝入相盛事應
重見儘待苦留連
怕九重興思見晚
休文未老金帶稱
圍腰丹禁密鳳池
深不但長安遠

又

甲辰生日醉書示兒輩

老來生日漸覺心情懶卯酒帶春酲更昨來東風已
轉衰顏易改不用看傳神慳意淺酒腸慳孤負深深
勸浮雲富貴本自无心羨金帶便圍腰也應似休
文瘦減君恩未報何日賦歸歟三徑樂五湖遊趣取
身强健

蝶戀花

辛卯重九余在試闈聞張子儀文元益諸公登丹青閣分韻作詞既出院見所賦坐山高並兩峯寒為韻尚余夢為之

樓倚雲屏江瀉鏡樽俎風流地與人俱勝酒力易消
風力勁歸時城郭烟生暝幕府俊遊常許並可惜
佳辰獨阻登臨興妙語流傳空嘆咏一時珠玉交相
映

定風波

張子儀將赴南宮同官移會餞別有舉耳邊聽喚狀元聲詞子儀侍兒子儀命足或詞戲作

秋入華堂一味清四山環碧眼雙明欲送主人天上

去无緒一尊已帶別離情
洞府桃花常許見爲誰

特地惜娉婷
時子儀侍兒久不肯出
祇待明年春醉裏

倚耳邊聽喚狀元聲

鷓鴣天
席上贈別

楊柳梢頭月未殘
杏花開盡却春寒
賓鴻社燕尋常別
渭北江東別更難
尊欲盡夜將闌
明朝馬首便長安
懸知不作人間住
歸去春風玉笋班

又

山色初晴翠拂雲
画橋流水碧粼粼
一尊不盡登臨興
歸及西湖二月春
班綴舊詔除新穩
看騰路上星辰
回頭却望塵凡處
應記塵凡有故人

又
爲妻壽

前日新冬舉壽觴今朝喜色又非常一陽生後逢生
日日漸舒長壽更長移晚宴慶新堂堂前高竹早
梅芳年年一爲梅花醉醉到千回髮未霜

又宋子淵生日

富貴樓臺玉琢成更移玉節下西清才高不數梅花
賦笑撚瓊苞泛壽觥蓮幕靜寶香凝春風和氣自
然生要知他日調元手看取今朝雪裏晴

又爲薛士昭壽

燕寢香中錦帳郎二年和氣藹蒸湘鬢間不減當時
綠眉上新添一點黃徵語近壽筵長乍晴人意喜
非常燕鶯休吉留春住歸趣熏風殿閣涼

朝中措爲文倅元益壽元益陳魯公之壻

十年班綴近彤庭一笑下霓旌好是平分風月新秋
特地涼生華堂燕喜流霞觴滿綵戲衣輕要識他
年榮貴從來玉潤冰清

又以海錯爲唐守壽

暖風簾幙捲春陰歌吹畫堂深雲袖纖纖捧玉霞觴
艷艷浮金佳辰恨我空傳善頌阻綴明簪莫笑海
濱鄉味尊前會有知音

又遊王沅州山亭

清江遶舍竹成陰秋日共登臨地與主人俱勝情如
酒盞方深故園何處時因望眼聊寄歸心抖擻一
襟涼韻不教薄領塵侵

又立夏日觀醪醕作